

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De vrbis Nisibis obsidione, & apostolica Iacobi Episcopi vita. Cap. XXX.

**urn:nbn:de:hbz:466:1-12704**

THEODOR. HISTOR.

De urbis Nisibis obsidione, & apostolica Iacobi  
Episcopi vita. CAP.XXX.

Cum Sappores rex Persarum contra Romanos bellum gereret, Constantius, collecto exercitu, venit Antiochiam. Quo quidem tempore hostes erant profligati non exercitus Romani viribus, sed virtute Dei, que prius virtutis inter Romanos sancte coluerunt. Victoriae autem ratione ac modum hoc loco exponere decreui. Nisibis urbs, quam nonnulli Antiochiam Mygdoniam appellant, in finibus, quibus Romanorum & Persarum terminatur imperium, polita est: cuius Episcopus, moderator, & dux fuit Iacobus, de quo supra mentio facta est. In isto clari gratiae apostolice radii elucebant. Cuius admirabilia & multorum celebrata sermonibus miracula, quoniam in historia, que inscribitur Philotheus, complexus sum, ea rursus enumерare, ut superuacaneum, sic alienum ab instituto arbitror. Itaque unum duntaxat narrationis propositae causa commemorabo. Urbem cui iste Episcopus praeſuit, Romanorum ditioni subiectam, forte Persarum exercitus obſidebat. Quam ad septuaginta dies obſessam, tametsi multas machinas mœnibus admouebat, & ea vndeque variis bellicis tentabat instrumentis, atque adeo vallo & fossa circundabat, capere tamen omnino non potuit. Postea alueo fluuij per mediā urbē labentis, qui Mygdonius vocatur, satis longo interuallo supra urbem obſtructo, & tipis ad ingentem altitudinem, ut impetu aquæ inhiberent, exaggeratis, ubi videt tantam aquæ copiam, ut de cætero aggerem inundaret, subito eam, velut machinam, in murum præcipiti cursu ferri permittit. Cuius impetus tam vehemens fuit, ut murus eum non potuerit sustinere, sed in alteram partem inclinatus, ad terrā ruerit. Eandem calamitatem altera muri pars, per quam erumpet fluvius etiam passa est: quandoquidem, cum aquæ violentiam non posset ferre, disturbata concidit. Quod ubi vidit Sappores, spem concepit animo, se nullo negotio reliquā urbē expugnaturum. Atque ille quidem ideo quiescit, ut cœnoſa aquæ inundatio aresceret, & flumen vado transiri posset. Postridie autem, ubi cum omnibus copiis vrbi appropinquabat, expectabatque per disiectas muri partes in eam ingredi, tu

mu

murum utrinque de integro ædificatum , tum laborem a se  
frustra suscepsum videt . Nam diuinus ille vir , Iacobus,  
suæ præcationis virtute non solum militum, aliorumque in-  
colarum confirmauit animos, verū etiā murū denuo extruxit,  
& machinis oppositis, hostes irruentes repulit. Quas res per  
fecit nō accedēdo ad mœnia. Sed intus in sacrosancto tem-  
plo Deū præcibus enixè sollicitādo. Sapore aūt nō modo  
ædificandi celeritate obstupefactus est, verum etiā visione  
quadā perterritus. Etenim vidit in ipso muro quendam rega-  
li planè vestitu amictū: cuius purpura & diadema mirè re-  
splēdecebāt. Quem imperatore Romanū esse suspicatus, mi-  
nabatur illis morte, qui nuntiarat eū minimè adesse. Qui cū  
cōstantem affirmaret, vera esse, que dixerat, & Constantium im-  
peratorem esse Antiochiae , intellexit cum visionis signifi-  
cationem, tum Deum pro Romanis (sic enim aiebat) bellū  
gerere. Itaque miser rem indignatus, telum cōiecit in aerem,  
non quod putabat Deum se posse ferire, quem sciebat corpo-  
ris expertem, sed quod impetum insanæ suæ sustinere non  
potuit . Eodem tempore Ephraim, vir sanè admirabilis, &  
scriptor inter Syros facile excellentissimus, orat Iacobum  
ut eōscendat mœnia, Barbaros conspicetur, & execratio-  
nis tela in eos coniiciat. Cuius postulationi obsecutus san-  
ctus vir, in quandam turrim ascendit . Ac cum videret in-  
gentem eorum multitudinem, non aliud est illis imprecatus, q̄  
ut Cinipes ac culices in eos immitterentur, ut minutaru-  
bestiolarum moratu potentia eius, qui ipsis Romanis auxi-  
lium tulerat, agnosceret. Quare à Deo postulata, statim ci-  
nyphum & culicum examina tanq̄ nubes Persarum copiis  
circunfunduntur. Atq; tum elephontū proboscidas, que  
sunt instar fistulae, tum equoru & aliorum iumentoru aures  
naresq; compleuerunt. Qui cū bestiolarū mortuum ferre nō  
possent, frena rumpere, seffores deiicere, & acie disturbare  
cōeperunt. Ac tandem relicto exercitu, fugiunt, quantū pos-  
sunt . Itaque miserrimus ille rex, cum ex hac leui & clemē-  
ti castigatione potentiam Dei, curam piorum gerentis, per-  
spexisset, inde domum reuertitur, ex ea obsidione nō vi-  
ctoriam, sed ignominiam consecutus.

*De Antiocheno Concilio, & quæ illic contra sanctū  
Meletium statuta fuerunt. CAP. XXXI.*

II 2 Per